

ՈՒՂԵՑՈՒՅՑ

Քաղաքացիական ծառայության պաշտոնների անձնագրերում մասնագիտության
սահմանման

Բովանդակություն

Ներածություն	3
Պաշտոնի անձնագրում մասնագիտությունների սահմանման ձևաչափեր	6
Ծանոթագրություն.....	13

Ներածություն

Հայաստանի Հանրապետության առաջին փոխվարչապետի 2019 թվականի հունվարի 11-ի N 3-Ն որոշմամբ հաստատված հավելվածի 24-րդ կետի 3-րդ ենթակետի համաձայն քաղաքացիական ծառայության պաշտոնի անձնագրում ներառվող տեղեկություններից է տվյալ պաշտոնի համար պահանջվող կրթությունը (մասնագիտությունը):

Հայաստանի Հանրապետության կառավարության 2014 թվականի հոկտեմբերի 23-ի «Հայաստանի Հանրապետության բարձրագույն մասնագիտական կրթության մասնագիտությունների և որակավորումների ցանկը հաստատելու մասին» N 1191-Ն որոշման (այսուհետ՝ Որոշում) 1-ին կետով հաստատվել է Հայաստանի Հանրապետության բարձրագույն մասնագիտական կրթության մասնագիտությունների և որակավորումների ցանկը:

Քաղաքացիական ծառայության պաշտոնների անձնագրերում կրթությունը սահմանելու համար անհրաժեշտ է հիմք ընդունել Որոշմամբ հաստատված ցանկում ներառված մասնագիտությունները:

Որոշմամբ սահմանված մասնագիտությունները խմբավորված են ըստ մասնագիտությունների ուղղությունների, որոնք ներառում են որոշակի մասնագիտությունների ոլորտներ, որոնք էլ իրենց հերթին կազմված են կոնկրետ մասնագիտություններ պարունակող ենթաոլորտներից: Պաշտոնի անձնագրում որպես կրթության չափանիշ կարող են սահմանվել **մասնագիտությունների ուղղություններ, մասնագիտությունների ոլորտներ, մասնագիտությունների ենթաոլորտներ և առանձին մասնագիտություն (մասնագիտություններ)**՝ տարբեր համադրություններով, մասնավորապես՝ մասնագիտությունների մեկ ամբողջական ուղղությունը կարող է համադրվել մասնագիտությունների մեկ ամբողջական ոլորտի հետ, կամ մասնագիտությունների մեկից ավելի ամբողջական ոլորտները կարող են համադրվել մեկ ամբողջական ենթաոլորտի հետ, կամ մասնագիտությունների մեկ

ամբողջական ուղղությունը կարող է համադրվել կոնկրետ մասնագիտության հետ կամ կոնկրետ մասնագիտությունը կարող է համադրվել կոնկրետ մասնագիտության հետ և այլն:

Որոշմամբ սահմանված մասնագիտությունները ներառող ուղղությունները, ոլորտները, ենթաոլորտները ներկայացված են ծածկագրերով, իսկ մասնագիտությունները՝ դասիչներով (ծածկագրերով): Քաղաքացիական ծառայության պաշտոնների անձնագրերում մասնագիտությունները սահմանելիս ծածկագրերը չեն նշվում:

Ստորև նշված աղյուսակում ներկայացվում են մասնագիտությունների խմբավորման տեսակները.

Աղյուսակ

N	Մասնագիտությունների խմբավորումը	Անվանումը
1.	Մասնագիտությունների ուղղություն	մասնագիտությունների համապատասխան ուղղության անվանումը
2.	Մասնագիտությունների ոլորտ	մասնագիտությունների համապատասխան ոլորտի անվանումը
3.	Մասնագիտությունների ենթաոլորտ	մասնագիտությունների համապատասխան ենթաոլորտի անվանումը
4.	Մասնագիտություն	Համապատասխան մասնագիտության անվանումը

Օրինակ՝

Որոշման հավելվածով սահմանված «**04 ԳՈՐԾԱՐԱՐՈՒԹՅՈՒՆ, ՎԱՐՉԱՐԱՐՈՒԹՅՈՒՆ ԵՎ ԻՐԱՎՈՒՆՔ**» տողը համարվում է **մասնագիտությունների ուղղություն:**

1.Մասնագիտությունների ուղղություն	ԳՈՐԾԱՐԱՐՈՒԹՅՈՒՆ, ՎԱՐՉԱՐԱՐՈՒԹՅՈՒՆ ԵՎ ԻՐԱՎՈՒՆՔ
-----------------------------------	--

Որոշման հավելվածով սահմանված «**041 ԳՈՐԾԱՐԱՐՈՒԹՅՈՒՆ ԵՎ ՎԱՐՉԱՐԱՐՈՒԹՅՈՒՆ**» տողը համարվում է «04 ԳՈՐԾԱՐԱՐՈՒԹՅՈՒՆ, ՎԱՐՉԱՐԱՐՈՒԹՅՈՒՆ ԵՎ ԻՐԱՎՈՒՆՔ» ուղղության **մասնագիտությունների ոլորտ:**

2.Մասնագիտությունների ոլորտ	ԳՈՐԾԱՐԱՐՈՒԹՅՈՒՆ ԵՎ ՎԱՐՉԱՐԱՐՈՒԹՅՈՒՆ
-----------------------------	---------------------------------------

Որոշման հավելվածով սահմանված **«0413 Կառավարում և վարչարարություն»** տողը համարվում է «04 ԳՈՐԾԱՐԱՐՈՒԹՅՈՒՆ, ՎԱՐՉԱՐԱՐՈՒԹՅՈՒՆ ԵՎ ԻՐԱՎՈՒՆՔ» ուղղության «041 ԳՈՐԾԱՐԱՐՈՒԹՅՈՒՆ ԵՎ ՎԱՐՉԱՐԱՐՈՒԹՅՈՒՆ» ոլորտի «0413 Կառավարում և վարչարարություն» **մասնագիտությունների ենթաոլորտ:**

3.Մասնագիտությունների ենթաոլորտ	0413 Կառավարում և վարչարարություն
---------------------------------	-----------------------------------

Որոշման հավելվածով սահմանված **«Կառավարում»** տողը համարվում է «04 ԳՈՐԾԱՐԱՐՈՒԹՅՈՒՆ, ՎԱՐՉԱՐԱՐՈՒԹՅՈՒՆ ԵՎ ԻՐԱՎՈՒՆՔ» ուղղության 041 ԳՈՐԾԱՐԱՐՈՒԹՅՈՒՆ ԵՎ ՎԱՐՉԱՐԱՐՈՒԹՅՈՒՆ» ոլորտի «0413 Կառավարում և վարչարարություն» մասնագիտությունների ենթաոլորտի **կոնկրետ մասնագիտություն:**

4.Մասնագիտություն	Կառավարում
-------------------	------------

Պաշտոնի անձնագրում մասնագիտությունների սահմանման ձևաչափեր

1. Եթե անհրաժեշտ է սահմանել **մասնագիտությունների երկու և ավելի ուղղություններում ընդգրկված բոլոր ոլորտներն ու դրանցում ներառված ենթաոլորտներում ընդգրկված մասնագիտություններն ամբողջությամբ**, ապա տվյալ դեպքում համապատասխան ոլորտները, ենթաոլորտները և դրանցում ներառված մասնագիտությունները չեն նշվում և աղյուսակը լրացվում է հետևյալ ձևաչափով՝

1	Ուղղություն	<i>Սոցիալական գիտություններ, լրագրություն և տեղեկատվական գիտություններ</i>	<i>Գործարարություն, վարչարարություն և իրավունք</i>
---	-------------	--	--

2. Եթե անհրաժեշտ է սահմանել **մասնագիտությունների միևնույն ուղղության մեկ ամբողջական ոլորտում ընդգրկված բոլոր ենթաոլորտներն ու դրանցում ներառված բոլոր մասնագիտությունները**, ապա տվյալ դեպքում համապատասխան ենթաոլորտները և դրանցում ներառված մասնագիտությունները չեն նշվում և աղյուսակը լրացվում է հետևյալ ձևաչափով՝

1	Ուղղություն	Գործարարություն, վարչարարություն և իրավունք
2	Ոլորտ	<i>Գործարարություն և վարչարարություն</i>

3. Եթե անհրաժեշտ է սահմանել **մասնագիտությունների միևնույն ուղղության մի քանի ոլորտներում ընդգրկված բոլոր ենթաոլորտներն ու դրանցում ներառված բոլոր մասնագիտությունները**, ապա տվյալ դեպքում համապատասխան ենթաոլորտները և դրանցում ներառված մասնագիտությունները չեն նշվում և աղյուսակը լրացվում է հետևյալ ձևաչափով՝

1	Ուղղություն	Գործարարություն, վարչարարություն և իրավունք
---	-------------	---

2	Ոլորտ	Գործարարություն և վարչարարություն	Իրավունք
---	-------	--	-----------------

4. Եթե անհրաժեշտ է սահմանել մասնագիտությունների մեկ ուղղության մեջ ընդգրկված բոլոր ոլորտներն ու դրանցում ներառված ենթաոլորտներում ընդգրկված մասնագիտություններն ամբողջությամբ և միաժամանակ՝ մեկ այլ ուղղության մեկ կամ մի քանի ամբողջական ոլորտում ընդգրկված ենթաոլորտներն ու դրանցում ներառված մասնագիտություններն ամբողջությամբ, ապա առաջին դեպքում չեն լրացվում համապատասխան ոլորտները, ենթաոլորտները և դրանցում ներառված մասնագիտությունները, իսկ երկրորդ դեպքում չեն լրացվում համապատասխան ենթաոլորտները և դրանցում ներառված մասնագիտությունները: Արդյունքում, աղյուսակը լրացվում է հետևյալ ձևաչափով՝

1	Ուղղություն	Սոցիալական գիտություններ, լրագրություն և տեղեկատվական գիտություններ	Գործարարություն, վարչարարություն և իրավունք
2	Ոլորտ		Գործարարություն և վարչարարություն կամ իրավունք

5. Եթե անհրաժեշտ է սահմանել մասնագիտությունների միևնույն ուղղության մեջ ընդգրկված կոնկրետ ոլորտի միևնույն ենթաոլորտի բոլոր մասնագիտությունները, ապա տվյալ դեպքում համապատասխան ենթաոլորտում ներառված մասնագիտությունները չեն նշվում և աղյուսակը լրացվում է հետևյալ ձևաչափով՝

1	Ուղղություն	Սոցիալական գիտություններ, լրագրություն և տեղեկատվական գիտություններ
2	Ոլորտ	Սոցիալական և վարքաբանական գիտություններ
3	Ենթաոլորտ	Միջոլորտային մասնագիտություններ

6. Եթե անհրաժեշտ է սահմանել մասնագիտությունների միևնույն ուղղության մեջ ընդգրկված կոնկրետ ոլորտի մեկից ավելի ենթաօլորտներում ներառված մասնագիտություններն ամբողջությամբ, ապա տվյալ դեպքում համապատասխան մասնագիտությունները չեն նշվում և աղյուսակը լրացվում է հետևյալ ձևաչափով՝

1	Ուղղություն	Ճարտարագիտություն, արդյունաբերություն և շինարարություն		
2	Ոլորտ	Ճարտարագիտություն		
3	Ենթաօլորտ	<i>Շրջակա միջավայրի պահպանություն</i>	<i>Էներգետիկա և էլեկտրատեխնիկա</i>	<i>Ցամաքային և օդային փոխադրամիջոցներ</i>

7. Եթե անհրաժեշտ է սահմանել մասնագիտությունների մեկ ուղղության մեջ ընդգրկված բոլոր ոլորտներն ու դրանցում ներառված ենթաօլորտներում ներառված մասնագիտություններն ամբողջությամբ և մեկ այլ ուղղության կոնկրետ ոլորտում ընդգրկված մեկ կամ մի քանի ենթաօլորտներն ու դրանցում ներառված մասնագիտություններն ամբողջությամբ, ապա առաջին դեպքում չեն լրացվում համապատասխան ոլորտները, ենթաօլորտները և դրանցում ներառված մասնագիտությունները, իսկ երկրորդ դեպքում չեն լրացվում համապատասխան ենթաօլորտներում ներառված մասնագիտությունները: Արդյունքում, աղյուսակը լրացվում է հետևյալ ձևաչափով՝

1	Ուղղություն	<i>Գործարարություն, վարչարարություն և իրավունք</i>	Սոցիալական գիտություններ, լրագրություն և տեղեկատվական գիտություններ
2	Ոլորտ		Սոցիալական և վարքաբանական գիտություններ

3	Ենթաօլորտ		Տնտեսագիտություն կամ Միջոլորտային մասնագիտություններ
---	-----------	--	---

8. Եթե պաշտոնի անձնագրում անհրաժեշտ է սահմանել **մասնագիտությունների միևնույն ուղղության մեջ ընդգրկված կոնկրետ ոլորտի որևէ ենթաօլորտի մեջ ներառված կոնկրետ մասնագիտություն**, ապա աղյուսակը լրացվում է հետևյալ ձևաչափով՝

1	Ուղղություն	Սոցիալական գիտություններ, լրագրություն և տեղեկատվական գիտություններ
2	Ոլորտ	Սոցիալական և վարքաբանական գիտություններ
3	Ենթաօլորտ	Տնտեսագիտություն
4	Մասնագիտություն	Տնտեսագիտություն

9. Եթե անհրաժեշտ է սահմանել **մասնագիտությունների միևնույն ուղղության մեջ ընդգրկված կոնկրետ ոլորտի որևէ ենթաօլորտի մեկից ավելի մասնագիտություններ**, ապա աղյուսակը լրացվում է հետևյալ ձևաչափով՝

1	Ուղղություն	Սոցիալական գիտություններ, լրագրություն և տեղեկատվական գիտություններ
2	Ոլորտ	Սոցիալական և վարքաբանական գիտություններ
3	Ենթաօլորտ	Միջոլորտային մասնագիտություններ
4	Մասնագիտություն	Միջազգային հարաբերություններ կամ Հասարակայնության հետ կապեր

10. Եթե անհրաժեշտ է սահմանել **մասնագիտությունների միևնույն ուղղության մեջ ընդգրկված կոնկրետ ոլորտի մեկից ավելի ենթաօլորտներից մեկական մասնագիտություն**, ապա աղյուսակը լրացվում է հետևյալ ձևաչափով՝

1	Ուղղություն	Ճարտարագիտություն, արդյունաբերություն և շինարարություն
---	-------------	--

2	Ոլորտ	Ճարտարագիտություն	
3	Ենթաօլորտ	Էներգետիկա և էլեկտրատեխնիկա	Մետալուրգիա և մեքենաշինություն
4	Մասնագիտություն	Էլեկտրատեխնիկա	Տրանսպորտային մեքենաշինություն

11. Եթե անհրաժեշտ է սահմանել մասնագիտությունների միևնույն ուղղության մեջ ընդգրկված կոնկրետ ոլորտի տարբեր ենթաօլորտներից մեկից ավելի մասնագիտություններ, ապա աղյուսակը լրացվում է հետևյալ ձևաչափով՝

1	Ուղղություն	Ճարտարագիտություն, արդյունաբերություն և շինարարություն	
2	Ոլորտ	Ճարտարագիտություն	
3	Ենթաօլորտ	Մետալուրգիա և մեքենաշինություն	Էլեկտրոնիկա և ավտոմատացում
4	Մասնագիտություն	Մետալուրգիա կամ Մեքենագիտություն կամ Տրանսպորտային մեքենաշինություն	Ռադիոտեխնիկա և կապ կամ Ավտոմատացում

12. Եթե անհրաժեշտ է սահմանել մասնագիտությունների միևնույն ուղղության մեջ ընդգրկված կոնկրետ ոլորտի մեկից ավելի ենթաօլորտներից մեկում ներառված մասնագիտություններն ամբողջությամբ և մյուս ենթաօլորտից մեկ մասնագիտություն, ապա աղյուսակը լրացվում է հետևյալ ձևաչափով՝

1	Ուղղություն	Ճարտարագիտություն, արդյունաբերություն և շինարարություն	
2	Ոլորտ	Ճարտարագիտություն	
3	Ենթաօլորտ	Մետալուրգիա և մեքենաշինություն	Շրջակա միջավայրի պահպանություն
4	Մասնագիտություն		Շրջակա միջավայրի պահպանություն

13. Եթե անհրաժեշտ է սահմանել **մասնագիտությունների միևնույն ուղղության մեջ ընդգրկված կոնկրետ ոլորտի մեկ ենթաօլորտում ներառված բոլոր մասնագիտությունները՝ բացառությամբ մեկի**, ապա աղյուսակը լրացվում է հետևյալ ձևաչափով՝

1	Ուղղություն	Տեղեկատվական և հաղորդակցան տեխնոլոգիաներ (S<S)
2	Ոլորտ	Տեղեկատվական և հաղորդակցան տեխնոլոգիաներ (S<S)
3	Ենթաօլորտ	Ինֆորմատիկա և հաշվողական տեխնիկա
4	Մասնագիտություն	<i>Ինֆորմատիկա (համակարգչային գիտություն) կամ Ծրագրային ճարտարագիտություն կամ Համակարգչային ճարտարագիտություն կամ Տեղեկատվական տեխնոլոգիաներ</i>

1-ից 13-րդ կետերում ներկայացված են մասնագիտությունների համադրությունների մի քանի պայմանական օրինակներ, սակայն անհրաժեշտությունից ելնելով, կարող են սահմանվել այլ համադրություններ:

Պաշտոնի անձնագրում մասնագիտությունների որևէ ամբողջական խմբավորում (օրինակ՝ մասնագիտությունների **ուղղություն** կամ մասնագիտությունների **ոլորտ**, կամ մասնագիտությունների **ենթաօլորտ**) նշելու դեպքում անհրաժեշտ է նշումը սկսել այն ներառող խմբավորումից(ներից), իսկ նրանում ընդգրկված խմբավորումները (մասնագիտությունները) չեն նշվում:

Օրինակ՝ **Սոցիալական և վարքաբանական գիտություններ** մասնագիտությունների ոլորտն ամբողջությամբ սահմանելու համար անհրաժեշտ է տվյալ ոլորտի հետ միաժամանակ նշել **Սոցիալական գիտություններ, լրագրություն և տեղեկատվական գիտություններ** մասնագիտությունների ուղղությունը՝ չնշելով տվյալ ոլորտում ներառված մասնագիտությունների ենթաօլորտներն ու մասնագիտությունները:

Պաշտոնի անձնագրում մասնագիտությունները սահմանվում են անձնագրի 3.1-ին կետում՝ աղյուսակի տեսքով.

Օրինակ՝ 3.1. Կրթություն, որակավորման աստիճանը

1	Ուղղություն	Սոցիալական գիտություններ, լրագրություն և տեղեկատվական գիտություններ
2	Ոլորտ	Սոցիալական և վարքաբանական գիտություններ
3	Ենթաոլորտ	Տնտեսագիտություն
4	Մասնագիտություն	Տնտեսագիտություն

Պաշտոնի անձնագրում մագիստրոսի որակավորման աստիճան սահմանելու դեպքում պետք է առաջնորդվել Հայաստանի Հանրապետության առաջին փոխվարչապետի 2019 թվականի հունվարի 11-ի N 3-Ն որոշմամբ սահմանված պահանջներով, իսկ համապատասխան տվյալը լրացնել մասնագիտության պահանջը սահմանող աղյուսակից հետո՝ հետևյալ ձևաչափով.

Օրինակ՝ 3.1. Կրթություն, որակավորման աստիճանը

1	Ուղղություն	Տեղեկատվական և հաղորդակցական տեխնոլոգիաներ (ՏՀՏ)
2	Ոլորտ	Տեղեկատվական և հաղորդակցական տեխնոլոգիաներ (ՏՀՏ)
3	Ենթաոլորտ	Ինֆորմատիկա և հաշվողական տեխնիկա
4	Մասնագիտություն	Ինֆորմատիկա (համակարգչային գիտություն) կամ Ծրագրային ճարտարագիտություն կամ Համակարգչային ճարտարագիտություն կամ Տեղեկատվական տեխնոլոգիաներ

Որակավորման աստիճանը՝ մագիստրոս:

Ծանոթագրություն

Պաշտոնի անձնագրում մասնագիտությունների ուղղությունները, մասնագիտությունների ոլորտները, մասնագիտությունների ենթաօլորտները և մասնագիտությունները լրացնելիս Որոշման հավելվածում նշված համապատասխան դասիչները (ծածկագրերը) չեն գրվում, բացառությամբ «Իրավագիտություն» մասնագիտության, որի դեպքում ծածկագիրը նշվում է այդ մասնագիտությամբ ԵՊՀ-ի և Խաչատուր Աբովյանի անվան ՀՊՄՀ-ի կողմից մասնագիտական ուսուցման արդյունքում տրված համապատասխանաբար «իրավաբանի» և «մանկավարժի» որակավորման պահանջները տարանջատելու նպատակով:

Եթե պաշտոնի անձնագրում անհրաժեշտ է սահմանել այնպիսի մասնագիտություն(ներ), որը ներառված չէ Հայաստանի Հանրապետության կրթության և գիտության նախարարի 2015 թվականի հուլիսի 3-ի N 647-Ա/Ք հրամանով հաստատված մասնագիտությունների ցանկում, ապա համապատասխան մարմինը՝ մինչև պաշտոնի անձնագրի նախագիծը Հայաստանի Հանրապետության Վարչապետի աշխատակազմի քաղաքացիական ծառայության գրասենյակի (այսուհետ՝ Գրասենյակ) համաձայնեցմանը ներկայացնելը, պետք է դիմի Գրասենյակ՝ հիշյալ խնդրի պարզաբանման նպատակով: